

**Impak pembinaan empangan milau terhadap pekerjaan penduduk di
Penempatan Garau, Kampung Garau, Kudat**

ABSTRAK

Kajian ini mengkaji impak pembinaan Empangan Milau terhadap pekerjaan penduduk di Penempatan Garau, Kampung Garau, Kudat. Oleh itu, kajian ini ingin melihat impak pembinaan Empangan Milau terhadap pekerjaan penduduk selepas berpindah di Penempatan Semula iaitu Penempatan Garau. Objektif kajian ini adalah mengenal pasti impak perpindahan penduduk terhadap pekerjaan di Penempatan Garau, menganalisis kesan perubahan pekerjaan terhadap pendapatan penduduk di Penempatan Garau dan mencadangkan langkah untuk meningkatkan peluang pekerjaan penduduk yang sedia ada. Kajian menggunakan pendekatan kualitatif bagi mencapai tujuan kajian. Seramai lima orang informan yang tinggal di Penempatan Garau telah ditemui bual secara berstruktur. Hasil analisis kajian ini mendapati penduduk di Penempatan Garau kehilangan telah peluang pekerjaan sebagai petani kerana tiada tanah untuk dijadikan kawasan pertanian. Seterusnya, berlaku perubahan pekerjaan dari petani kepada pengawal keselamatan dan pekerjaan memancing. Selain itu, produktiviti petani juga menurun kerana tanah pertanian menjadi semakin kecil dan terhadap dan terakhir sekali, pendapatan penduduk berkurang iaitu pendapatan dari pertanian dan akses sumber hutan dan menyebabkan kehidupan penduduk di penempatan tersebut menjadi susah.